


右太一制三鬼七鬼寶符



右太一寶神招帝君符以八節日日中時朱書白紙服之畢祝曰

太上三玄帝君在竟太一五靈保竟安身紫房有命制勅百神帝君太一內精神符合十二首皆太上元精之氣也至真至秘不得妄傳其別復有太一外訣符文大異者乃皆中祕帝昌經上文也非此真者用之無效兆善敬慎之



右太一帝君解三關十二結胎內符以本命若八節日欲行解結時先吞此符三枚向本命方以真朱書青竹中白膜生於堅節之內逐虛中而受靈也故書竹膜為解結節文也
上清洞真元經五籍符

正一天師清微弟子 洪百堅 製作
道教學術資訊網站

白羽黑翮靈飛玉符

張五

元始九天父母太真丈人同宴景龍之輿從
森林千真萬騎飛仙巨虬御輪流電迅煙縱
體適運口歌靈篇追遠玄丘之洞解憇清波
之邊遊盤紫虛之館息駕無崖之端是時天
元煥明五晨迴光三素流雲紫煙吐芳飛香
繞日馥散太無華光交煥三燭合明凝真上
契咀嚼日根養玄注虛披朗金章洞嘯九微
靈暢瓊玉也軒妙思感於太寂內念啓於
自然以明上皇元年三月三日元始啓旦忽
致玄靈垂降白鸞之車黑翮之鳳口銜素章
飛行羽經登空步虛真訣玉精飛仙導煙羣
神衛靈養鶴九霄之上煥赫玉虛之庭來降
於太真玄授寶經是日太真丈人方退齋上
清時太帝君紫微三素元君天帝君太微天
帝君高上玉皇之賓咸同降坐焚百和之香
置五色神官浮號玉位列位紫宮眾真禮經
旋行三周三素元君起立西向發玄朗之音
誦慶真羽章以讚神經其辭曰
鶴沫太虛館 靈風散奇香 蕭蕭玄景上

微颯翼太陽 素驚迅飛鳳 口銜神羽章
翻翻振九霄 悲鳴喚玄梁 妙訣乘空發
清治道未央 羣真普稱慶 稽首禮玉皇
誦畢

太帝君又起立北向誦曰

玄鳳迅雲翻 白鸞欣躊躇 飛香和芳華
流景耀雲衢 巨虬控長轡 飛仙互相扶
萬真慶嘉吉 欣鳳虛中遊 元始本無跡
玄感自相求 振羽不待駕 飄飄乘煙浮
寶章綜玄綱 五體御靈符 稱慶禮福庭

旋香各三周 誦畢

天帝君起立東向又誦曰

素羽斑玄翮 乘浮落運迴 流香溢十天
芳芝鬱太微 靈章啓幽機 羽經朗玄輝
至道本無贖 持真景自飛 於是誦畢

太真丈人身建法衣冠極天無量三寶玉冠
衣無縫九色飛空耀光羽章左佩流鈴右帶
七元正南而伏太微天帝君起命羽仙侍郎
擊執金案請經北向長跪以授於太真衆仙
咸稱善太真立受經面發金光五體即生自

然靈飛玉符登攜衆真共登白鸞之車駕黑
翻之鳳以宴常陽東之瀛林碧水之境扶桑
之墟九源之口西遊玄羽素野之域濛汜之
濱南造朱陵極炎之精南夏之邑北到朔陰
洞玄之館寒水之鄉中盤十絕黃氣陽精太

玄王京金臺玉室丹瓊之宮遊朗十天八域
洞清總領億真無天不係無幽不關無氣不
統無仙不攝普御羣神自天以下莫不範德
於太真仰宗於羽經也於是帝君各淨玄官
經劫七千傳於太上大道君焉



上靈飛玉符玄仙羽精自然之章佩之七年

乘空飛行上登七元修羽經飛步之道無此
符則不得乘虛升玄受者青錦九十九尺盟天
登修之日書左手掌心即握碧霞而飛行書
青繪九寸佩之左肘六甲十二神靈飛玉女
十二人侍立左



下靈飛玉符元始之精羽玄玉章佩之九年

乘空飛行上登五星行飛步升玄之道無此
符則不得乘空而行也受者素錦六十尺盟
天登修之日書右手掌心即能握素靈而飛
書白繪九寸佩之右肘六甲十二神靈飛玉
女十二人侍右



左靈飛玉符玄氣始生之精素羽之章佩之

九年乘空飛行上登五星行飛步升玄之道
無此符則不得躡雲玄登也受者丹錦八十
尺盟天登修之日書左足蹠即能躡空飛行
書綠繪九寸佩之左肘六甲十二神靈飛玉
女十二人侍前



右靈飛玉符元氣之精升玄羽章佩之九年
得乘飛雲行步玉清修飛步之道無此符不
得躡於七元而升虛也受者玄錦五十尺盟
天登修之日書右足蹠即能躡玄而飛書早
繪九寸佩之右肘六甲十二神靈飛玉女十
二人侍後



太靈飛玉符陽氣黃精飛行羽章佩之九年
面生金光坐在立亡飛行太虛修飛步之道
無此符則不得仰登皇魁起升九玄受者黃
錦十二尺盟天登修之日書符於心即能吐
氣成雲乘雲而行書黃繪九寸佩之左肘六
甲十二神靈飛玉女十二人侍身

上清瓊宮靈飛六甲左右上符

凡修行存思七星之道入室皆先服五符然
後書也書及服皆東向叩齒十二通仰呪曰
玄虛紫清 飛行羽經 上映雲霞 下攝千靈
控御六甲 運我身形 飛步天元 上舉斗精
凝魂固魄 內填充盈 出空入玄 與氣常生

畢服符書于心然後行事如此九年尅得乘
空御雲飛行太清

左右靈飛玉符出於自然之氣玄授太真以
登空步虛乘魁躡網纏絡七玄上升玉清之
道以備飛行別經得之者神仙佩之者成真
人修之者致白鸞之車黑翮之鳳來迎于身
上登玉宮遊宴常陽太上大道君以傳上元
太素君太微天帝君施行道成秘於太上靈
都之宮依科三千年一傳不得輕泄宣靈天
真違盟者誓身投鬼官殃及九祖永閉幽泉

白羽黑翮靈飛玉符

上清瓊宮靈飛六甲左右上符

上清瓊宮靈飛六甲玉女六十人諱字并左
右符太極九部上皇太極真人受之於玉
晨大道君左右靈飛六甲符一名玉精真訣
一名景中之道一名白羽黑翮隱遊上經靈

飛六甲神道也六甲之神時乘六龍以宴慶
雲盼看六合迴降服符者寢房也其以節日
又乘白鸞之車駕黑翮之鳳以宴常陽倒景
看遊八方之神徽也降服符者身和合竟竟
通靈達形三氣合香五藏生華坐在立亡役
召萬魔履鋒蹈嶮萬福來和涉山入水洽海
步河不拘津梁不畏危巔變化隱遁招風召
雷立起雲雨坐致行廚入兵不傷入水不濡
山神奉衛玉女來迎服之六年六甲見軀與
人語言授子真書長生天地二象同符別寢
勿雜遺淫妄慾寂心鏡形乃可見求

太極四真人曰六氣順運於十天六甲旬周
行於幽冥有其符則隱化無方聞其名則上
補天真行其道則飛虛駕景佩其文則玉女
執巾用之六年方諸青宮刊功玉簡書名錄